

Հ Ր Ա Հ Ա Ն Գ

**ԶՈՐԵԱՐՏԱԴՐՈՒԹՅԱՆ ՅԵՎ
ԵՇԱԲՈՒԾՈՒԹՅԱՆ ՄԵԶ ԶՈՒԳԱՎՈՐՄԱՆ
ԿԱՄՊԱՆԻԱՆ ԱՆՑԿԱՑՆԵԼՈՒ ՄԱՍԻՆ**

31 JAN 2018

Հայկական ԽՍՀ Հողագործության ժողովրդական Կոմիտեի
Ձեռքարձական վարչություն

636.04:636.1

Հ Ր Ա Հ Ա Ն Գ

**ԶՈՐԵԱՐՏԱԴՐՈՒԹՅԱՆ ՅԵՎ
ԵՇԱԲՈՒԾՈՒԹՅԱՆ ՄԵՋ ԶՈՒԳԱՎՈՐՄԱՆ
ԿԱՄՊԱՆԻԱՆ ԱՆՑԿԱՑՆԵԼՈՒ ՄԱՍԻՆ**

ՊԵՏԱԿԱՆ ՀՐԱՏԱՐԱԿԶՈՒԹՅՈՒՆ

ՅԵՐԵՎԱՆ

1937

Հ Ր Ա Հ Ա Ն Գ

ԶՈՐԵԱՐՑԱԴՐՈՒԹՅԱՆ ՅԵՎ ԵՐԱԲՈՒԽՈՒԹՅԱՆ ՄԵՋ ԶՈՒԳԱՎՈՐՄԱՆ ԿԱՄՊԱՆԻԱՆ ԱՆՑԿԱՑՆԵԼՈՒ ՄԱՍԻՆ

Զորեարտադրության և եղաբուծության զուգավորման կամպանիայի անցկացման դրվածքը ռազմինալ կազմակերպելու համար խՍՀ Միության Հողագործության Ժողովրդական կոմիտեի ատն առաջարկում է ղեկավարվել հետևյալով.

1. ԶՈՒԳԱՎՈՐՄԱՆ ԿԱՄՊԱՆԻԱՅԻ ԿԱԶՄԱԿԵՐՊՈՒՄԸ

1. Նախքան զուգավորման կամպանիան սկսելը յուրաքանչյուր տնտեսությունում կատարել հետևյալ նախապատրաստական աշխատանքը.

ա) զուգավորման կամպանիան սկսելուց մինչև 30 օր առաջ կատարել բոլոր մայրերի, արտադրող եղերի, փորձանշերի անասնաբուժական զննումը.

բ) զուգավորման կամպանիան սկսելուց յերկու ամիս առաջ բոլոր արտադրող եղերին կերակրել լրացուցիչ խտացրած կերերով.

գ) բոլոր մայրերի կերակրումը կազմակերպել այնպես, վոր զուգավորման կամպանիայի սկզբին նրանք լինեն լավ բոված.

դ) զուգավորման կամպանիայի համար առանձնաց-

НКЗ АРМ. ССР
Коневодческое управление
ИНСТРУКЦИЯ
по проведению случайной кампании
в мулопроизводстве и ословодстве



11-2857791

նել անհրաժեշտ քանակութեամբ կոպիտ և խտացրած կե-
րեր:

ե) զուգավորման կամպանիան սկսելուց 15 օր առաջ
կազմել զուգավորման կամպանիայի պլանը, կատարել
մայրերի ընտրութիւն և նրանց կցել արտադրող եշերին:

2. Զուգավորման կամպանիայի պլանը նախորոք մշա-
կել արտադրական խորհրդակցութիւնում: Զորեարտա-
դրութեան համար առանձնացրած զամբիկները կցվում են
արտադրական բրիգադներին, իսկ բրիգադների ներսում
առանձին կոլխոզնիկներին (ձիապաններին): Զուգավոր-
ման կամպանիայի պլանը պետք է հասցնել կորսնտեսա-
կանին, վորին անմիջականորեն հանձնարարվում է ջորի
արտադրող զամբիկի խնամքը:

2. ԶՈՐԻ ԱՐՏԱԴՐՈՂ ԶԱՄԲԻԿՆԵՐԻ (ԶՈՐԵՍԱՅՐԵՐԻ) ԸՆՏՐՈՒԹՅԱՆ ԿԱՆՈՆՆԵՐԸ

3. Զորիններ արտադրելը նոր գործ է. այդ կապակ-
ցութեամբ տնտեսութեան ղեկավարներից, զոտանտնա-
բուժական պերսոնալից և ջորեարտադրութեան անմիջա-
կանորեն սպասարկող աշխատողներից՝ բրիգադավարնե-
րից և ձիապաններից պահանջվում է ցուցաբերել բացա-
ռիկ ուշադիր և հոգատար վերաբերմունք դեպի նրանց
վրա դրված պարտականութիւնների կատարումը, հատ-
կապես զուգավորման կամպանիան անցկացնելու ժամա-
նակաշրջանում:

4. Զորեարտադրող բոլոր տնտեսութիւնները պետք
է զբաղվեն հետևյալ յերեք ուղղութիւններից վորովե-
մեկ տիպի ջորեարտադրութիւնով:

ա) ծանր փոխակրանքային (տրանսպորտային) և
հրետանային ջորիններ,

բ) գյուղատնտեսական աշխատանքների և ռազմա-
կան գումակի (աբողի) համար լծկան ջորիններ,

գ) լեռնաբեռնակրային ջորիններ (լեռնային շրջան-
ների և լեռնահրաձգային մասերի փոխակրանքային աշ-
խատանքների համար):

5. Փոխակրանքային ջորիններ արտադրելու համար
պետք է ոգտագործվեն ծանրաքարշ ցեղերի մետիս զամ-
բիկները (բրաբանսոնի, արդենի, պերշերոնի, կլեյդես-
դալի):

Զորեարտադրող զամբիկները պետք է համապատաս-
խանեն հետևյալ պահանջներին. նրանք պետք է ունենան
յերկար և խոր իրան, համեմատաբար կարճ վոտքերով,
յերկար և լավ զարգացած գավակ, կարճ աճուկ և վոտքե-
րի ուղիղ դրվածք. ցանկալի յե, վոր մնգավի բարձրու-
թիւնը լինի վոշ պակաս քան 160 սանտիմետր:

Փոխակրանքային ջորիններ արտադրելիս պետք է ոգ-
տագործվեն խոշոր արտադրող եշեր, վորոնք լինեն 135 սան-
տիմետրից վոշ պակաս բարձրութեան:

6. Գյուղատնտեսական աշխատանքների համար լրծ-
կան ջորիններ արտադրելիս պետք է ոգտագործել աբորի-
գեն (բնիկ) ցեղերի և վարգուն ձիերի (ռիսակ) մետիս
զամբիկներին:

Այդ տիպի ջորիններ արտադրելու համար կարելի յե
ոգտագործել վարգունով ազնվացրած ծանրաքարշ ցեղերի
արյան խառնուրդ ունեցող զամբիկներին:

Ցանկալի յե, վոր մնգավի բարձրութիւնը լինի 155
սանտիմետրից վոշ պակաս. հատկապես անհրաժեշտ է
ընտրել յերկար ու խոր իրանով, կարճ աճուկով, յերկար
մկանիկ գավակով և վոտքերի ուղիղ դրվածք ունեցող զամ-
բիկներ:

Գյուղատնտեսութեան համար լծկան ջորիններ արտա-
դրելիս պետք է ոգտագործվեն 125 սանտիմետրից վոշ
պակաս բարձրութիւն ունեցող արտադրող եշեր:

7. Լեռնաբեռնակրային ջորիններ արտադրելու համար
պետք է ոգտագործվեն տեղական լեռնային և նրանց տի-

պին մոտ զամբիկները, առավելապես անհրաժեշտ է ընտրել կարճ և ուղիղ մեջքով, ամուր վոտքերով, լավ և ամուր յեղջուր ունեցող սմբակով: Յանկալի յե, վորպեսզի մնազվի բարձրությունը լինի 135 սանտիմետրից վոչ պակաս: Լեռնաբեռնակրային ջորիներ արտադրելու համար պետք է ոգտագործվեն 118 սանտիմետրից վոչ պակաս բարձրություն ունեցող, լավ արտակազմ (եքստերյեր) ունեցող տեղական արտադրող եշերը:

3. ԱՐՏԱԴՐՈՂ ԵՇԵՐԻ ՊԱՀՊԱՆՈՒՄԸ

8. Արտադրող եշերի համար առանձնացված ախոռը պետք է լինի չոր, լավ տաքացրած, միջանցուկ քամիներից զերծ և լավ լուսավորված:

Լուսամուտների մակերեսը պետք է հեղադի հատակի մակերեսի $\frac{1}{12}$ -րդական մասից վոչ պակաս:

Ախոռը պետք է մեկուսացված լինի այլ անասունների և թռչունների շենքերից: Արտադրող եշերի ախոռին կից անպայման պետք է լինի ցանկապատած բակ, նրանց զբոսանքի համար:

9. Արտադրող եշերի ախոռում յուրաքանչյուր արտադրող եշի համար անհրաժեշտ է ունենալ դեննիկ, ախոռի հատակը պետք է լինի կավից, լավ ամրացված և հարթ. դեննիկի չափը պետք է լինի $2,5 \times 2,8$ մետր և բարձրությունը $2,8-3$ մետր:

10. Արտադրող եշերի շենքը պետք է միշտ լինի մաքուր, հաճախակի ոգափոխվի, և թաց ցամքարն ու աղբն ամեն ուր փոխվի:

11. Արտադրող եշերին պետք է կերակրել անհատորեն հետևյալ մոտավոր չափով.

Ե շ Ե Ր	Որվա կերի քանակը կիլոգրամներով	
	Յեվրոպական խոշոր եշերի համար	Համադանի, Մերվի և Բուխարայի եշերի համար
Խտացրած կերեր՝ վարսակ, գարի, յեզիպապուրեն, թեփ և քուսպ	4—6	2,5—4
Խ ո տ	6—8	6—8

12. Արտադրող եշերին ախոռում պահելու դեպքում, բացի շատ վատ յեղանակներից, անհրաժեշտ է նրանց որական 3—5 ժամ դուրս բերել զբոսանքի:

Բոլոր արտադրող եշերին ամեն ուր պետք է մաքրել ձիու խոզանակով, սմբակները լվանալ և չորացնել:

Յուրաքանչյուր ամիս առնվազն մեկ անգամ պետք է մաքրել և ուղղել արտադրող եշերի սմբակները: Զուգավորման կամ պանիայի ժամանակաշրջանում արտադրող եշերի չորս վոտքերի պայտերը պետք է հանվեն:

13. Արտադրող եշերի ախոռային պահպանման ժամանակ պետք է սահմանել որվա կայուն կարգ ու կանոն. որինակի համար—կարելի յե զեկավարվել հետևյալով.

- ժամը 5—6-ը ջրել, տալ վարսակ և խոտ (մաքրել դեննիկները),
- » 6—8-ը եշերին թեթև մաքրել, ման ածել (կամ բաց թողնել ցանկապատի մեջ),
- » 8—10-ը զուգավորում, վորից հետո ման ածել և տալ խոտ,
- » 10—11-ը մաքրել եշերին և ախոռը,
- » 11—12-ը ջրել, տալ վարսակ և խոտ,
- » 17—18 $\frac{1}{2}$ -ը զուգավորում, վորից հետո ման ածել,
- » 18 $\frac{1}{2}$ —19-ը ջրել, տալ վարսակ և խոտ, մաքրել ախոռը,
- » 24-ին տալ խոտ (գիշերվա հերթապահի կողմից):

14. Առողջ, լավ բաված եղբ մի որում կարող է կատարել յերկու ծածկում, 8 ժամ ընդմիջումով:

Յերիտասարդ (մինչև 5 տարեկան) անբավարար բավածություն ունեցող եղբրը մեկ որում պետք է կատարեն միայն մի ծածկում:

15. Արտադրող եղբրը 10 որը մեկ անգամ պետք է հանգստանան (չծածկեն):

16. Արտադրող եղին լավ խնամելիս, զուգավորման սեզոնի ընթացքում նա պետք է ծածկի 30—40 զամբիկ:

4. ԶՈՐԵԱՐՏԱԴՐՈՂ ԶԱՄԲԻԿՆԵՐԻ ՓՈՐՁՈՒՄԸ ՅԵՎ ԶՈՒԳԱՎՈՐՈՒՄԸ

17. Զամբիկի ցանկության գալը վորոշվում է փորձիչի (պորենիկի) միջոցով. փորձիչն առանձնացվում է անտեսության բանող հովտակներից. փորձիչ-հովտակը պետք է լինի վոչ շատ ծեր, բավականին աշխուժ, չլինի շատ խիստ և չար: Հատուկ ուշադրություն պետք է դարձնել փորձիչի առողջության վրա, վորովհետև փորձիչը վարակիչ հիվանդությունով հիվանդ լինելու դեպքում հեշտությամբ կարող է վարակել ջորեմայրերին և արտադրող եղբրին:

Զուգավորման կամպանիայի ժամանակաընթացքում պետք է հանել փորձիչների չորս վոտքերի, իսկ ջորեմայրերի միայն հետեվի վոտքերի պայտերը:

18. Ջորի արտադրող մոր փորձումը կատարվում է կամ ձեռքով (յերբ յերկու ձիապահներ բռնում են փորձիչին յերկու կողմից յերասանակների միջոցով և մոտեցնում են զամբիկները), կամ փակոցի (բարիերի) միջոցով. փակոցի մի կողմը պահում են հովտակին, իսկ մյուս կողմից մոտեցնում են զամբիկը: Փակոցը լինում է սյուների միջեվ տեղավորված, ծղոտապատ, մեկ մետր բարձրությամբ և 2,5 մետր յերկարությամբ: Փորձի սկզբում

փորձիչին թույլ են տալիս հոտոտելու զամբիկի գլուխը յեթե զամբիկը թույլ է տալիս, փորձիչին թույլ են տալիս հոտոտելու զամբիկի աճուկը և հետույքը: Զամբիկը ցանկություն չունենալու դեպքում թույլ չի տալիս փորձիչին մոտենալ, անհանգիստ է և աքացիում է. իսկ յերբ զամբիկը ցանկություն ունի, թույլ է տալիս փորձիչին մոտենալ:

Բացի այդ, ցանկություն ունեցող զամբիկն ունենում է հետևյալ նշանները. լինում է անհանգիստ, ախորժակը կորցնում է, մերքն ուռչում է, հաճախակի միզում, պոչը բարձրացնում է, մերքը թարթում է և արտաթորում է մուգ դեղնավուն լորձուկ:

19. Զուգավորման կամպանիայի սկզբից ամեն որ չծնած զամբիկների ցանկության գալն ստուգվում է փորձիչով: Նորածին զամբիկները ծնելուց 5 որ հետո նույնպես ամեն որ փորձվում են:

20. Այն ջորեմայրերը, վորոնց ցանկությունը հայտաբերվում է, ծածկվում են ցանկության հաջորդ որը, հետագայում ջորեմայրերը փորձվում են չորրորդ, վեցերորդ, ութերորդ, տասներորդ և տասներկուերորդ որերը՝ հաշված ցանկության որից: Յեթե ջորեմայրերը ցանկություն են հայտնում և տասներկուերորդ որը, այդ դեպքում նրանք չեն ծածկվում, ալ յենթարկվում են անասնաբուժական քննության:

Ծանոթություն.— 20-րդ կեսում կատարված փոփոխությունը կատարված է Հայկական Հոգժողովմանի Ձիաբուժական վարչության կողմից՝ զուգավորման լուսնուցից երեսուցիի հիման վրա:

21. Յեթե ջորեմոր ցանկությունը կրկնվում է, նա փորձվում է և ծածկվում պարագրաֆ 20-ի ցուցմունքով:

22. Յեթե ջորեմայրերը վերջի ծածկումից 35—40 որ հետո ցանկության չեն գալիս, նրանք կարող են համարվել պայմանական հղի:

5. ԶՈՐԵՄՈՐՆ ԵՇՈՎ ԶՈՒԳԱՎՈՐԵԼՈՒ ՏԵԽՆԻԿԱՆ

23. Զորեմոր զուգավորումն եղով կարող է կապված լինել վորոշ դժվարությունների հետ, հետևյալ պատճառներով.

ա) վորոշ եղերի կողմից զամբիկին ծածկելու ցանկություն չունենալը.

բ) զամբիկի և եղի միջև յեղած մարմնի կադմուկյան և հասակի տարբերությունը:

Այդ դժվարությունները հեշտ է վերացնել. առաջինը՝ եղին նախորոք զրգուել մալը եղով, իսկ յերկրորդը՝ ոգտագործելով հատուկ դազգյան:


24. Զուգավորման համար անհրաժեշտ է ունենալ հատուկ տեղ. ավելի լավ է ունենալ ծածկված շենք՝ ձիամարզարան (մանեթ), լուսավորված վերեվից՝ ցրված լուսով: Զուգավորման կամ մանեթի տեղը պետք է լինի բավականին առանձնացված. ուժեղ լույսը, աղմուկը և ավելորդ մարդկանց ներկայությունը կարող են խանգարել եղի զրգովելուն և նա կհրաժարվի ծածկելուց:

25. Զուգավորման վայրի կամ մանեթի հատակը պետք է լինի միանգամայն ուղիղ և ցամքարով ծածկված:



26. Փոքր զամբիկները մեծ եղերով զուգավորելիս (որինակ՝ տեղական լեռնային զամբիկը Համադանի եղով) վոչ մի բան հարմարեցնել պետք չէ, վորովհետև մեծ եղը շատ լավ կարող է բարձրանալ ցածր զամբիկի վրա:

27. Ավելի մեծ զամբիկներն եղով զուգավորելիս անհրաժեշտ է պատրաստել զուգավորման դազգյան (տես նկարի սխեման):

28. Չար շորեմորը զուգավորելիս անհրաժեշտ է հազցնել զուգավորման «շեյկա»: Զամբիկին ծածկելիս անհրաժեշտ է նրան կարճ յերասանակով բռնել և գլուխը պահել մի քիչ բարձր. եղի առնանդամը վերավորվելուց խուսափելու համար զամբիկի պոչի հիմքից մինչև մաս-



Պարզապես համարվող զամբիկի գլուխը և պոչը



յին մասի ծայրը (ռեպիցա) փաթաթում են թանգիֆոլ կամ շորով:

29. Զուգավորման համար պատրաստված զամբիկը նախքան ծածկելը նրա կողքին պահում են ծածկվելու ցանկություն ունեցող մայր եշ (զրգուիչ). նախորոք եշը յերասաններով (յերկար թոկ) մոտեցնում են մայր եշին, թույլ են տալիս հոտոտելու նրա սեռական գործաբանները և յերբ նկատում են, վոր եշն արգեն զրգուված է և նա պատրաստ է ծածկելու (երեկցիա), մայր եշին հեռացնում են և եշը բաց թողնում զամբիկի վրա. եշը զամբիկի վրա բարձրանալիս ձիապանն զգուշությամբ, ձեռքով արագ բռնում — մոցնում է եշի առնանդամը զամբիկի հեշտոցի մեջ: Այդ մոմենտին զամբիկի պոչը կողք են թեքում: Զամբիկի զուգավորումն եշով անհրաժեշտ է կատարել հնարավորության սահմաններում հանգիստ, բուրբովին չպետք է շտապեցնել եշին: Անհրաժեշտ է խուսափել աճապարանքից, աղմուկից և այլն, վորոնք կարող են զրավել եշի ուշադրությունը:

30. Զուգավորման հաջողությունը կայանում է նրանում, վոր առաջինը՝ եշը զամբիկի վրա լավ բարձրանա, յերկրորդ՝ սերմնահյութը (սպերման) հեշտոցի մեջ խորը թափվի և անցնի արգանդը:

Ծածկման ժամանակ պետք է հետեվել, վորպեսզի եշը զամբիկի վրայից չիջնի մինչև առնանդամի թուլանալը: Շատ եշեր սերմնահյութը արտադրելու մոմենտին նրանց պոչարմատը կծկվում է: Ծածկումը նորմալ վերջացնելուց հետո եշը թուլանում է և սովորաբար վորոշ չափով ֆուռ է զամբիկի վրա պառկած: Վտոքերը, յերբեմն և գլուխը կախ են ընկնում: Այդ դեպքում եշի առնանդամը թուլանում է և այնքան փոքրանում, վոր ինքնաբերաբար դուրս է ընկնում մերքից: Յեթե եշը սովորություն ունի նախքան անդամի լրիվ թուլանալն իջնել զամբիկի

վրայից, նրան պետք է պահել զամբիկի վրա, բռնելով յերկու կողմից նրա արմուկներին:

31. Զամբիկին ծածկելու ժամանակ անհրաժեշտ է այնպես բռնել, վորպեսզի նա չշարժվի, հակառակ դեպքում եշի առնանդամը սերմնահյութ արտաթորելիս չի կարող հասնել հեշտոցի խոր մասը և ծածկելուց հետո եշը առնանդամի միջոցով միտցի պես կարող է հետ քաշել սերմնահյութը և գետին թափել:

32. Յեթե վորեվե պատճառով ծածկումը չի հաջողվում, եշին անհրաժեշտ է 15—20 րոպե ման ածել, վորից հետո վերսկսել ծածկումը. այս դեպքում եշին կքկին անհրաժեշտ է նախապատրաստել զրգուող մայր եշով:

33. Ծածկումից հետո շորեմոր հետևի վտոքերն ազատում են կապից և 15—20 րոպե ման ածում, զրանից հետո միայն կարելի է նրան պահել ախոռում կամ բաց թողնել արոտ:

34. Զուգավորումից հետո եշին անհրաժեշտ է 20—30 րոպե ման ածել, վորից հետո ծղոտի կապուկով (ժգուտով) ուժեղ շփելով չորացնել նրա գավակը, մեջքը և վտոքերը: Ծածկելու ժամանակ ցուրտ յեղանակներին եշին ծածկում են թամբակալով կամ ծածկոցով:

35. Զորերուծական տնտեսություններում զուգավորման կամպանիան անցկացնող անձինք պետք է ուշադրությամբ ուսումնասիրեն յուրաքանչյուր շորեմոր և արտադրող եշի սովորությունները, հատկապես նրանց վարքը զուգավորման ժամանակ, ցանկության տեվողությունը և այլն:

Յուրաքանչյուր զամբիկի և արտադրողի նկատմամբ պետք է ունենալ անհատական մոտեցում, հաշվի առնելով կենդանիների բնավորությունները և սովորությունները:

36. Եշից բեղմնավորված զամբիկի հղիության տեվողությունն ավելի յերկար է, քան հովտակից բեղմնավորված զամբիկի հղիությունը:

Անհրաժեշտ է նկատի ունենալ, Վոր եշից բեղմնա-
վորված զամբիկներն ավելի շատ են նախատրամադրված
վիթման:

Զամբիկները կարող են վիթել՝ ծանր աշխատանքից,
հատկապես խիստ կարճատև լարվածություններից, ցեխի
մեջ և սայթաքող ճանապարհի վրա աշխատելիս: Վիթում-
ները շատ հաճախ կարող են տեղի ունենալ հղիության
առաջին ամիսներին: Այդպիսի դեպքերում տեղի ունեցած
վիթումը կարելի չէ չնկատել և վիթած զամբիկին հաշ-
վի առնել վորպես ստերը: Զորեարտադրության ռացիո-
նալ կազմակերպումը հիմնականում հանդիսանում է զու-
գավորված շորեմայրերի լավ խնամքն ու կերակրումը և
թեթև աշխատանքը:

37. Զուգավորման որվա արդյունքները ճիշտ և պարզ
գրանցվում են զուգավորման մատյանում:

6. ՄԱՅՐ ԵՇԵՐԻ ՓՈՐՁԵԼԸ ՅԵՎ ԶՈՒԳԱՎՈՐԵԼԸ

38. Եշարուծության մեջ զուգավորման կամպանիայի
ճիշտ անցկացման պարտադիր պայմանն են հանդիսանում
արտադրող և մայր եշերի նորմալ բովածության պահպա-
նումը: Նիհար և շատ հոգնած մայր եշերը հազվադեպ
դեպքերում են ունենում նորմալ ցանկություն և կարող
են հղի լինել:

39. Մայր եշերի հղիությունը տեվում է միջին հաշ-
վով 12 ամիս. ծննդաբերությունից հետո մայր եշերի
ցանկության գալը կարող է ուշանալ մինչև մեկ ամիս և
ավելի, այդ կապակցությամբ մայր եշերի զուգավորումը
պետք է սկսել ավելի շուտ, քան զամբիկների զուգավո-
րումը (փետրվար, մարտ ամիսներից):

40. Մայր եշերի ցանկության գալը փորձվում է
փորձիչի ոգնությունը: Վորպես փորձիչ անհրաժեշտ է
առանձնացնել տնտեսության բանող կազմից ամենայն-
առաջին եշին:

41. Փորձի ժամանակ արտադրող եշին անհրաժեշտ
է մոտեցնել յերասանակներից բռնած կամ թե ցանկա-
պատի մեջ բաց թողած մայր եշին: Մայր եշերին փոր-
ձիչով փորձելիս ցանկության գալու կամ արտադրողից
հրաժարվելու ցուցմունքները նույնն են, ինչ Վոր զամբիկ-
ներինը: Մայր եշերի ցանկության գալու նշանները յու-
րահատուկ են: Նրանք հաճախ գլուխն ու ախանջները
կախում են, բերանը բաց անում, չփչիացնում ու
թքոտում, յերբեմն թարթում մերքով (мигают петлей) և
միգում են:

42 Ստերը մայր եշերին պետք է սկսել փորձել ամեն
որ՝ զուգավորման սեզոնն սկսվելու հետ միաժամանակ:
Նորածին մայր եշերին անհրաժեշտ է սկսել փորձել ծնելուց
հինգ օր հետո և հետագայում՝ ամեն օր շարունակել մինչև
ցանկության գալը:

43. Մայր եշերի զուգավորումը կատարվում է նույն
օրերին, ինչպես շորեմայրերի զուգավորումը (տես պա-
րագրաֆներ՝ 20, 21, 22): Բեղմնավորումը կատարվում է
ձեռնաքաշ և աղալային (վարկովայա):

44. Աղալային զուգավորման ժամանակ փորձիչի ոգ-
նությամբ ստուգված մայր եշին քշում են աղալը և բաց
են թողնում նրա մոտ արտադրող եշին:

45. Եշարուծության մեջ ձեռնաքաշ զուգավորումը
կատարվում է այնպես, ինչպես և շորեարտադրության
մեջ (տես 5-րդ հատվածը):

7. ԱՆԱՍՆԱԲՈՒԺԱԿԱՆ ՍԱՆԻՏԱՐԱԿԱՆ շՍԿՈՂՈՒԹՅՈՒՆ

46. Յուրաքանչյուր զուգավորման կայան պետք է
լինի անամնաբուժի կամ բուժակի հսկողության ներքո:

47. Նախքան զուգավորման կամպանիան սկսելը, բու-
յրը կտրանտեսությունները պետք է կանչեն անամնաբու-
ժական գծով աշխատողին՝ զուգավորման համար առանձ-
նացված արտադրող և մայր եշերին քննելու, հատկապես

ուշադրութիւն դարձնելով «ԶՈՒԳԱՎՈՐՄԱՆ ԱՆՏ» (պաղ-սեղալ) և ՎԱՍՒԱԿԻՉ ՎԻԺՈՒՄ (ինֆենկցիոն աբորտ) հիվանդութիւնները վրա: Անասնաբուժական քննութեան յենթարկվում են նաև մենատնտեսների այն մայրերը, վորոնք կցված են զուգավորման կայանին. զուգավորման կայանին պետք է ներկայացնեն տվյալ մայր եղի առողջութիւնը հաստատող ստնիտարական քննութեան տեղեկանքը:

48. Զուգավորմանը մասնակցելու թույլատրվում են միայն առողջ արտադրող ու մայր եղերը: Խիստ գերհոգնածութեան հատկանիշներով մայրերին զուգավորելն արգելվում է: Յուրաքանչյուր զուգավորումից առաջ, ինչպես արտադրող, այնպես ել մայր եղերը յենթարկվում են անասնաբուժական քննութեան՝ անասնաբուժի կամ բուժակի կողմից, իսկ նրանց բացակայութեան ժամանակ՝ զուգավորման կայանի վարիչի կամ սանիտարի կողմից:

49. Յեթե եղի առնանդամի վրա նկատվեն պզուկներ, խոցիկներ կամ ձվապարկի վրա ուռուցք, այդ դեպքում առանց անասնաբուժական պերսոնալի թույլտրութեան նրան զուգավորման համար ոգտագործելն արգելվում է:

50. Ներքոհիշյալ հիվանդութիւնների նշաններ ունեցող մորը (նիհարութիւն, փոս ընկած, թարախակալած աչքեր, ընդհանուր թուլութիւն, կրծքի ուռուցք ու պընդացում, արտաքին սեռական գործարանների ուռուցք, սեռական գործարանների վրա պզուկներ, խոցեր, ինչպես արտաքինից, այնպես ել ներսից, թարախի, կեղտոտ լոր ձուների և արյունաջրի հոսելը, հետույքի թուլութիւն մարմնի վորեւ մասի կաթված, ուռուցք փորի, կրծքի, վրա, քթածակերից լորձունք հոսելը, ուռուցք ծնոտի տակ, ուռուցք վրաների վրա, քոսը, փոքրիկ շրջագծեր և մերկ բծեր մարմնի վրա) առանց անասնաբուժի թույլտրութեան չի կարելի վոչ փորձել և վոչ ել զուգավորել:

51. Յեթե բեղմնակայանի մոտ հայտաբերված է վորեւ վարակիչ հիվանդութիւն, վոր վտանգավոր է արտադրող եղերի և մնացած կենդանիների համար, զուգավորման կայանի աշխատանքներն անմիջապես դադարեցվում են և կարող են վերսկսվել միայն անասնաբուժի թույլտրութեամբ:

52. Արտադրող եղի հիվանդանալու դեպքում զուգավորման կայանի վարիչը պարտավոր է անհապաղ այդ մասին հայտնել մոտակա անասնաբուժական կայանին:

ԽՍՀՄ-Ի ՀՈՂԺՈՂԱՌՄԱՏԻ ԶԻԱԲՈՒԾԱԿԱՆ ԳԼԽԱՎՈՐ ՎԱՐՁՈՒԹՅԱՆ ՊԵՏԻ ՏԵՂԱԿԱԼԻ ԲՈՒՇՈՒՅԵՎ

Թաղմանից՝ Ն. Լեզկիյան
Խմբագրից՝ Ավ. Ալլահվերդյան
Տեխ. խմբագիր՝ Վ. Ալեքյան
Սրբագրիչ՝ Ն. Այվազյան
Կոնտրոլ սրբագրիչ՝ Վ. Ալազյան
Գլավիտ № 1211

Հրատ. 418, պատվեր 086, տիրաժ 1500

Հանձնված է արտադրութեան 1937 թ. ոգոստոսի 21-ին
Ստորագրված է տպագրութեան 1937 թ. սեպտ. 17-ին

Պետհրատի 2-րդ տպարան, Նալբանդյան, 11

20

ՀՀ Ազգային գրադարան



NL0937830

452

452

11

28577

29 СЕН. 1937



НКЗ АРМ. ССР

Коневодческое управление

ИНСТРУКЦИЯ

по проведению случной кампании
в мулопроизводстве и ословодстве

Госиздат, Ереван, 1937 г.